



## KOMUNIKADU IMPRENZA

Ohin, 13 Setembru 2021, marka aniversário Banku Sentral Timor-Leste nian ba dala-sanulu.

Tinan-tinan, haktuir kustumi BCTL nian, Banku Sentral komemora nia aniversáriu ho seremónia ida, ne´ebé inklui anúnsiu prémiu prestíjiu Banku Sentral-nian.

Tinan-ida-ne´e, tanba situasaun pandemia ne´ebé afeta mundu tomak, inklui-mós Timor-Leste, BCTL desidi la-komemora nia-aniversáriu. Mai´bé, BCTL deseja kontinua mantein nia-kustumi atu konsede prémiu Banku Sentral nian ( *Centra Bank Awards*) iha nia loron aniversáriu.

Prémiu *Centra Bank Awards* ne´e kontein kategória rua, Kategória *Outstanding* no kategória *Excellent*.

Kategória prémiu rua-ne´e, sei atribui ba ema ka entidade ne´ebé serve duni atu hetan tanba rekoñesimentu ba ninia kontribuisaun ba desenvolvimentu iha setor finanseiru ne´ebé benefisia populasaun enjerál iha Timor-Leste.

Tinan ida-ne´e, BCTL konsidera kandidatu-ida ne´ebé halo esforsu espesiál no fó kontribuisaun exelente ba publikasaun notísia simples, kualitativu no informativu ne´ebé refleta ba fontes informasaun adekuaudu no insentiva públiku atu utiliza servisu finanseiru. Ida-ne´e hanesan kontribuisaun importante ba desenvolvimentu setor finanseiru iha Timor-Leste, partikularmente iha área-rural-sira.

Nune´e BCTL desidi, entidade, **Rádiu Komunitade Maubisse-Mauloko**, mak-merese ba prémiu kategoria **Excellent**. Ida-ne´e tanba **Rádiu Komunitade Maubisse-Mauloko** hanesan parseiru valiosu ne´ebé apoiu programa nasionál BCTL nian hodi promove “ Kampu Digital “ iha Postu Administrativu Maubisse durante tinan 2020.

Tanba restrisaun Covid-19, prémiu ida- ne´e, sei entrega diretamente ba **Rádiu Komunitade Maubisse- Mauloko** iha tempu-mai.

Remata.